

МЕСЯЦА ЯНВАРЯ В 15-Й ДЕНЬ

**Преподобных отец наших Павла Фивейского
и Иоанна Кущника**

На Господи, возвах: стихиры на 6, глас 1.

Подобен: Небесных чинов:

Начало добродетельных явился еси Небоходные яве стези, / трблаженне Павле, жительство мiрови. / Ибо восхождения духовная положил еси добре в души твоей, / имиже краю прикоснулся еси добродетелей / воздержанием и болезнями многими.

К Божественному желанию, блаженне, вперив ум, / возшел еси к Горним пустыни, / якоже во мрак, приблизился еси, / в немже Божиим просветился еси разумом светло / и на скрижали души твоей / добродетелей помазался еси светлостью.

Процвете пустыня цветы добродетелей твоих красная, / страстей бо погубил еси терния в ней, / насадил еси болезни благославныя / Божественных твоих деяний. / Темже, яко крин, от Бога / ныне благоухание жития твоего благоухаеши нам.

Ины стихиры, глас 2.

Подобен: Егда от Древа:

Егда мановением Божественным / мирския красоты, радуясь, отче, избегл еси, / тогда предпочел еси паче пространного пути / тесный, и болезнен-

ный, и зело жестокий./ Тёмже попечение душ приял еси,/ в Божественный одеявся образ/ отбежением и наготою всех сластей, Богоблаженне.

Странную поразумел еси жизнь,/ странно начинание,/ любовию Христовою уязвлен,/ Егже неизреченную нищету возлюбил еси,/ и пред враты твоих родителей,/ бездомен, отче, претерпел еси,/ утесняемый и оскорбляемый./ Тёмже дарований исполнился еси/ и неотъемлемое богатство, еже на Небесех, наследовал еси.

Нося в руках священное, отче, Евангелие,/ сего исполнитель был еси,/ имения родителей отвергся, Иоанне,/ и слезами и теснотою все совершил еси твоё житие, преподобне,/ тёмже утешения Божественнаго, и непрестаннаго веселия/ ныне наслаждаешься, преблаженне.

Слава, глас 2:

Отвергся мира и сущих в мире, преподобне,/ Евангелие взял, евангельски Христу последовал еси/ и, в куще живый, яко в рай, тайно,/ конечным жестокожитием плоти/ человекоубийцу змия удавил еси./ Тёмже на Небесех водворяясь, Иоанне блаженне,/ испроси нам велию милость.

И ныне, Богородичен или Крестобогородичен.

Подобен: Егда от Древа Тя:

Егда нескверная Агница/ виде Своего Агнца,/ на заклание яко Человека волею влекома,/ плачущи, глаголаше:/ безчадствовати Мя ныне тщишься, Христе, рождшую Тя./ Что сие сотворил еси, Избавителю всяческих?/ Обаче воспеваю и славлю/ Твою, юже паче ума и слова, крайнюю благодать, Человеколюбче.

На стиховне Октоиха.

Слава, глас 6:

Преподобне отче,/ во всю землю изыде вещание исправлений твоих,/ тем на Небесех обрел еси мзду трудов твоих:/ демонския погубил еси полки/ и Ангельския достигл еси чины,/ ихже житию непорочно поревновал еси./ Дерзновение имея ко Христу Богу,/ мир испроси душам нашим.

И ныне, Богородичен или Крестобогородичен.

Подобен: Тридневен:

Видящи Тя распинаема, Христэ, / Тебэ Рóждшая
вопяше: / что странное, еже вѣжду, таинство, /
Сѣне Мой? / Како на Древе умираеши, плóтию
повешен, / жизни Подателю?

Тропáрь, глас 4:

Бóже отецъ нашихъ, / творяй присно с нами по
Твоей крóтости, / не отстави мѣлость Твою от
нас, / но молитвами ихъ / в мѣре управи живóт наш.

НА УТРЕНИ

Канóн Октóиха едѣн. И святыхъ два, на 8.

Канóн святаго Пáвля,
творение Иоáнна монаха, глас 8.

Песнь 1

Ирмос: Поим Гóсподеви, / проведшему люди
Своѣ сквозэ Чермное мóре, / яко Едѣн славно
прослави́ся.

Пáвля Богоноснаго, яко монашествующихъ удоб-
рѣние, / вѣрнии, сошедшеся, пѣсньми по долгу
почитаем.

Был еси пустыни пѣрвый жителъ, Пáвле славно-
не, / и Небеснаго Цáрствия наследникъ показáлся
еси пощѣниемъ.

Всего себе воздержáниемъ очѣстив, всеблажен-
не, / жилище явилъ еси Бóжие и Ангеловъ едино-
сѣльникъ.

Богородичен: Пречѣстая Богородице, / яже во-
площенно Присносу́щное и Пребожественное
Слóво / пáче естества рóждшая, поемъ Тя.

Ин канóн Иоáнна, егóже краегранѣсие: Нѣща
страстей мя покажи молитвами твоими, блаженне.
Иосифъ. Глас 2.

Песнь 1

Ирмос: Во глубинѣ постлá иногда / фараонѣт-
ское всео́инство преоружѣнная сѣла, / воплощ-
шея же Слóво всезлóбный грехъ потребѣло есть, /
препрославленный Гóсподь славно бо просла-
ви́ся.

Обогáтился Божественными добродетельми, /
богатство преобѣдел еси земное и Небесное полу-

чил еси. / Тёмже мя, обнищавша, Божественнаго
разума обогати благодатию, / яко да твоё воспою,
отче, жителство равноангельное.

Ярём Господень благий, блаженне, от юности ты
подъём, / постническими борении врага смирил
еси, / смирением Христовым вооружся, / имже
возвысился еси на высоту, Иоанне, к Небеси.

Яко шествовав стезею тесною, / скорбьми, и
слезами, и стенаньми, и озлоблении, преподобне, /
к пространнейшей широте достигл еси, / обрет
обитель достойну болезней, / отче Иоанне досто-
чудне.

Богородичен: Лютыми страстей наветы, Отроко-
вице, обуреваемъ и прилоги греховными прекло-
нен, / ко Твоему неусыпному и непобедимому
предстательству, Всепетая, любовьию прибегаю, /
ущедри мя и спаси, Приснодево.

Песнь 3

Ирмос: Утверждей словом Небеса / и землю
основавый на водах многих, / утверди мя к пению
славословия Твоего, Господи.

К Богу оком твоея души взирая, отче, / Того
возлюбил еси, возненавидев земная / и Ангельскую
совершив жизнь.

Лучами, отче, добродетелей, страстей отгнал
еси мглу яве, / просвещение Духа во твоём сердце
приём.

Небесным хлебом питаюся, яко Илия древле
враном, / мысленныя отбегл еси, отче, Иезавели, к
покрову Христову.

Богородичен: Царь славы и Творец, обагрив
кровьми, Богородительнице, / Свою багрянцу
омочив, таинственно очервлен.

Ин

Ирмос: Процвела есть пустыня, яко крин, Госпо-
ди, / языческая неплодящая Церковь / пришествием
Твоим, / в нейже утвердися мое сердце.

Кадило благовонно Всевидцу, преподобне, твоя
молитвы принёсл еси, / яже обоняв и приём,
постническим ликом причте тя.

Явился еси чудо величайше, сердца, преподоб-

не, благочестивых ужасая: / како пред враты претерпел еси родителей, ниществуя и оскорбляемь.

Законно в молитвах и пощениях, преподобне, претерпевая, / в безстрастие облелся еси, / плоти мудрования смири в крепостию Божественнаго Духа.

Богородичен: Яко мироуханен шипок от удолий, Пречистая, Чистый Ты обрете / и посреде Тебе вселися, / благовония исполнив человечество.

Кондак Пávла, глас 3.

Подобен: Дева днесь:

Яко светило незаходящее мýсленнаго Сólнца, / сошедшеся, днесь восхвалим в пёснях: / возсиял бо еси сýщим во тме неразúмия, / вся возводя к Божественней высотé, / фивеев украшение, Пávле преподобне, отцев и постников твёрдое основáние.

Ин кондак Иоáнна, глас 2.

Подобен: Вбшних ищá:

Вбшних улучшить, премудре, желая, / долу красных, мудре, преобидел еси / и, Христу обнищавшему сообнищав, / радуяся, последовал еси, Иоáнне. / К Немý же прилэжно не преста́й моляся о всех нас.

Ин кондак Иоáнна, глас 3:

Уклонился еси житейскаго треволнения, / и к пристанищу Божественному управил еси, блаженне, шествия своя, / и источил еси исцеления, яко струй, / верою и любовью, Иоáнне, к тебе притекающим и вопиющим: / предстани в День Судá восхваляющим светонóсную пáмять твою, óтче, / и страстей и мук избáви.

Седáлен, глас 1.

Подобен: Гроб Твой, Спа́се:

Мира красная от сердца возненавидев / и Единаго Бóга от души возлюбив, / пустыню, яко во обитательный град, Пávле, постигл еси. / В единых то́кмо видениях упражняся, / явился еси, яко Ангел, с плотию живый. / Тем ты почитáем.

Слава, ин седáлен Иоáнна, глас 3.

Подóбен: Красотé дéвства:

Богáтство тлénное и слáву мимотекúщую остáвив, / Небéсное богáтство восприял есй и слáву, óтче, / и́стинно вéчнующую, блажénне. / Тем блаж́им святóе твоé успéние / и, торжествúюще в нем, вопи́ем тебе: / помяни́ нас ко Гóсподу, я́ко имéя, Иоáнне, дерзновéние.

И ны́не, Богорóдичен:

Я́ко невоздéланная, Дéво, лозá, / краснэйший Грозд прозяблá есй, источáющ нам вино́ спаси́тельное, / всех веселя́щее дúши и телесá. / Тémже, я́ко вино́ Тя дóбрых блажáще при́сно, / со А́нгелом вопи́ем Тебе: / рáдуйся, Благодáтная.

Крестобогорóдичен:

Неискусобráчная Чй́стая и Мáти Твоя́, Христé, / видя́щи Тя мёртва вй́сяща на Крестé, мáтерски пла́чущи, глаго́лаше: / что́ Тебе воздаде́ еврейский беззакóнный собóр и неблагодáрный, / мнóгих и вели́ких Твои́х, Сýне Мой, дарóв насладив́ыйся? / Пою́ Твоé Божéственное снизхождéние.

Песнь 4

Ирмо́с: Тáйно проро́к предзря́ от Дéвы Тя, Сло́ве, воплоща́ема, / пёсненно вопия́ше: / слáва си́ле Твоёй, Гóсподи.

Насаждён в домú Бóжии, добродéтелей благоплóдие прозябл есй / и плотскáя увядил есй востáния по́стничеством твои́м.

Огнём любв́е Бóжия страстéй тёрние попалил есй / и тебе́ сама́го Дúха, óтче, жили́ще показáл есй.

Жезлóм добродéтельныя твоёя́ жй́зни, я́коже звéри, стра́сти отгна́л есй, / тэмже и твоя́ смерть звéри на погребéние твоé собра́.

Богорóдичен: Багрянй́ца исткáся та́инственная из чй́стых кровéй Твои́х всех Бóгу, / в ню́же одéявся, Богорóдице, соедини́ нас Бóгу и Отцú.

Ин

Ирмо́с: Пришёл есй от Дéвы, / не ходáтай, ни А́нгел, но Сам, Гóсподи, вопло́щся, / и спасл есй

всего мя, человека./ Тем зову Ти:/ слава силе Твоей, Господи.

В рубищах убогих сокровище сокровено явился еси, Богодохновенне:/ Божественную бо одежду возлюбил еси/ и, одеваясь, в чертог Вышний вшел еси.

Приём Небесное семя, Богодохновенне, сердца браздою клас красен возделал еси,/ умы препитаваящ преподобно память твою чтущим.

Претерпел еси в теснейшей кущи, чудне, нищ,/ якоже другий Лазарь, волею быв./ Темже почил еси Авраама ныне в недрах, отче преподобне.

Богородичен: Управи моя души движения, Всенепорочная,/ к Божественным повелением Возсиявшего из чрева Твоего,/ бури избавляющи мя житейских соблазнов ходатайством Твоим.

Песнь 5

Ирмос: Утренююще, вопиём Ти:/ Господи, спаси ны,/ Ты бо еси Бог наш,/ разве Тебе, иного не вемы.

В пениих и пощениих, молитвах же и бдениих пожив, преподобне,/ к Богу вселился еси.

Житие твоё всечестное бысть в Господе, Павле всеблаженне,/ и погребение твоё преславно.

Течение пощения, преподобне, скончав,/ Вышним силам собеседник, отче, был еси.

Богородичен: Деву по Рождестве поём Тя, Богородице,/ Ты бо Бога Слова плотию миру родила еси.

Ин

Ирмос: Просвещение во тьме лежащих,/ спасение отчаянных, Христэ Спасе мой,/ к Тебе утренюю, Царю мира,/ просвети мя сиянием Твоим:/ иного бо, разве Тебе, бога не знаю.

Странен земных сластей был еси,/ странен своих, странен родителей твоим изволением,/ и, воздержанием себе очистив,/ усвоился еси Вседержителю, отче Иоанне, обнищав духом.

Храм себе Святыя Троицы совершив, претерпел еси, утесняемь кущею,/ Божественными поучением душу очищая/ и доброту Божию неизглаголаную, отче Иоанне, присно зря.

Закѡна Бѡжия исполнителъ явилъся еси, / ничтоже предсудивъ паче Сего любви, Богомудре отче, / ни братьи бо, ни родителейъ ты любовь, / ниже богатство, ниже достоинство, ниже плоти сладость разслабиша.

Богородичен: **Еммануила, всех Владыку, раждаеши нетленно, / пребывши Дева и по рождестве, Дево Мати. / Егоже непрестанно моли / искушений вражиих избавити под кров Твой прибегающия.**

Песнь 6

Ирмос: **Ризу мне подаждь светлу, / одейся светом, яко ризую, / Многомилостиве Христе Боже наш.**

Руки простер к Богу, душу твою, преподобне, Тому преложилъ еси, / во дни и нощи благоугождая Ему.

Прославиша успение твое Ангелов воинства, / пророковъ же чини и святыхъ апостолов, отче преподобне.

Бурю страстей пребег, ветрилом, преподобне, крайняго постничества / в небурное пристанище устремился еси Христово.

Богородичен: **Единая словом плотию Слово Рождшая, / избави, молимся, сетей врага души наша.**

Ин

Ирмос: **В бездне греховней валяясь, / неизследную милосердия Твоего призываю бездну: / от тли, Боже, мя возведи.**

Гордаго змия низложилъ еси смиреномудрия оружии, всеблаженне, / и, возвысився духом, во обители присножизненные вселился еси.

Дарований исполнился еси Духа и лукавствия покорилъ еси духи, / яко смыслен, и премудр, и Богу весьма возложенъ.

Безстрастия сияя высотами, отче Иоанне, / колибою* утесняемъ и напастями облагаемъ, / терпелъ еси, Божественно укрепляемъ.

Богородичен: **Равнодетельна Рождшему и сопрестольна Слова / из утробы Твоея, Чистая, воплотила еси, / за благоутробие неизреченное наше все понесшаго.**

* колиба — куща, палатка, шатёр

Кондак, глас 2.**Подобен: Вѣшнихъ ищя:**

Возлюбив, премудре, нищету неокрадому, / родителей твоихъ богатство возненавидел еси / и, Евангелие в рукахъ твоихъ держа, / последовал еси Христу Богу, Иоанне, / моляся непрестанно о всехъ нас.

Икос:

Кто доволенъ достойно воспѣти твои труды, и болезни, / и дѣлания многая, и славу, и величество? / Но молитвами твоими к Богу благоприятными / Духа благодать мне ныне подаждь, / яко да твои паче естества подвиги изрекю верно / и воспую, еже паче слова, терпение твое и совести пождание, всеблаженне, / имже лстываго врага посрамил еси. / Не престаи моляся о всехъ нас.

Песнь 7

Ирмос: *В началѣ землю основавый / и Небеса словомъ утвердивый, / благословенъ еси во веки, Господи Боже отецъ нашихъ.*

Мудрование плотское покоривъ Духу, преподобный вопиаше: / благословенъ еси во веки, Господи Боже отецъ нашихъ.

Спасенъ бывъ отъ вражнихъ сетей, преподобне, в радости вопиаше: / благословенъ еси во веки, Господи Боже отецъ нашихъ.

Страстей пламень весь поправъ постнически, преподобный вопиаше: / благословенъ еси во веки, Господи Боже отецъ нашихъ.

Богородичен: *Небо сотворивый Деву, / и из Нея, яко солнце, возсияв, / благословенъ еси во веки, Господи Боже отецъ нашихъ.*

Ин

Ирмос: *Боготривное веление беззаконнующаго мучителя / высокъ пламень вознесло есть, / Христосъ же простре Богочестивымъ отрокомъ росу духовную, / Сый благословенъ и препрославленъ.*

Тесный предпочелъ еси, нежели пространный, путь, достославне, / и, радуясь, претерпелъ еси предъ враты родителей твоихъ, / укоряемъ и удручаемъ многими болезнями, Богоблаженне.

Тебѣ самаго удобрил еси краснейшими, мудре, восхождѣнии, / плоти умертвив мудрование. / Тѣм же вселѣлся еси в Небесная, / ликом счисляемъ прѣсно честныхъ отцевъ, досточудне.

Пути шествуя, вводящия к Божественному покою, / уклонѣлся еси пропастей демонскихъ, блаженне, / Божественною покрываемъ благодатию, вопияше: / Сый благословен и препрославлен.

Богородичен: Поѣм Рождество Твое, Благословенная, / имже избавихомся древняго осужденія, / и Тя блажимъ, Богоблаженная, Едину, Юже возлюбѣи, / Сый благословен и препрославлен.

Песнь 8

Ирмос: Безначальнаго Царя славы, / Егѣже трепещут Небесныя силы, / пойте, священницы, / людіе, возносите во вся вѣки.

Поревновал еси Иоанну Богомудрому Предтечи, в пустыни постився, / с нимже и жизнь получитьи сподобился еси истинно присносущную.

Угасил еси страстей пещи, отче наш, воздержанія росю, вопия всеблагочестно: / людіе, возносите Христа во вѣки.

Рай истинно соделал еси пустыню, / в ней преиззяществовав во всякой добродѣтели, / тѣм же и рай сладости сподобился еси.

Богородичен: Яко имущи к Богу дерзновение, / Всепетая Богомати Маріе, / умоли Егѣ бед избавити верою Тя поющія.

Ин

Ирмос: В пещь огненную ко отрокомъ еврейскимъ снизшедшаго / и пламень в росу преложшаго Бога, / пойте, дела, яко Господа, / и возносите во вся вѣки.

Неветшаемый себе, Иоанне, добродѣтелями упещренне истка хитон одеяніемъ нищѣтнымъ: / в видѣ нищаго ты одеялся еси, пред враты родителей претерпевая.

Непорочен, якоже другій Йов, пред враты злостраждеша, / яко на гнобищи, терпя укѣры рабовъ твоихъ, мудре, глѣдом же и жажду дручимъ, / тѣм же наследовал еси Горнее Царствие.

Послѣдовал еси́ я́ве, е́же прия́л еси́ рука́ми, Ева́нгелию, / и обнища́л еси́, блаже́нне, се́туя во все́й жи́зни, / и кро́ток был еси́, и незло́бив, и Ца́рствия Го́рняго насле́дник.

Богоро́дичен: Струю́ приснотеку́щую нам, притека́ющим к Тебе́, Чи́стая, точи́ши: / ея́же оби́льную благода́ть почерпа́юще, / Твое́ поём Рождество́, Пречи́стая, и превозно́сим во ве́ки.

Песнь 9

Ирмо́с: *Неви́димаго зра́ком Божѣственным при-
ѣмша́я, / Неискусобра́чная Де́во и Ма́ти, / пе́сньми
Рождество́ Твое́ велича́ем.*

Яко сокровище́ ты мы́сленное сокрове́нно, преподо́бне, откры́ Бог Анто́нию, / нам же в сла́ву и ра́дование.

В страх Бо́жий себе́ сама́го пригвозди́в, о́тче преподо́бне, / и сме́рти поуче́нием жити́е соверши́в, жи́зни сподо́бился еси́.

Яко дерзнове́ние к Бо́гу стяжа́в, / моли́ о́ иже на земли́ соверша́ющих ве́рою па́мять твою́ си́ю, / Па́вле блаже́нне.

Богоро́дичен: Собезнача́льнаго Отцу́ и Свято́му Ду́ху заче́нши Христа́ / и ро́ждши несказа́нно, Де́во, моли́, е́же спасты́ся нам.

Ин

Ирмо́с: *Безнача́льна Родите́ля Сын, Бог и Гос-
по́дь, / вопло́щся от Де́вы, нам яви́ся, / омраче́нная
просвети́ти, собра́ти расточе́нная. / Тем Всепе́тую
Богоро́дицу велича́ем.*

Кре́пость моя́ и пе́ние Госпо́дь, — взыва́л еси́, — предста́теля тьмы в Сем побежда́ю, / мечта́нных ле́стей, я́же от него́, ника́коже бою́ся, / еди́ну мечта́я добро́ту Божѣственную и непристу́пную.

Яко земля́ тучна, преподо́бне, твоё се́рдце прия́т Небе́сное се́мя у́мными бразда́ми / и стори́честву́ющий клас плодоно́сит, / пита́юще всех, ве́рно чту́щих тя, ду́ши, Богоблаже́нне.

Освятѣ́ Госпо́дь из ложесн ты, блаже́нне, и к Себе́ ше́ствия тво́я напра́ви. / Те́мже счи́слился еси́ преподо́бным, благоче́стно поживши́м, / с ни́миже обоже́ния наслажда́ешия, пресла́вне.

Богородичен: Свѣта жилище утрѣба Твоя бысть, / Имже свет во тьме седящи видеша. / Тѣмже Тя гласы немолчными, Мати Божия, присно воспеваем / и любовьию почитаем, яко надежду душ наших.

Светилен.

Подобен: Жены, услышите:

Родителей пристрастие оставив и богатство текущее, / твой крест взял еси, отче, и Христу, Иоанне, преусердно последовал еси: / постнически же умертвил еси страсти, к безстрастию востекл еси / и молишися о нас, Богоносе.

Богородичен:

Совета великаго Ангела Отча родила еси, Христа, Всепетая Отроковице, Царя славы: / Егоже Крест преподобнии и постницы вземше, в след Сего потекоса. / С нимиже непрестанно моли о нас, Богородице.

На хвалитех стихиры, глас 4.

Подобен: Яко добля:

Ты, толстоту телесную раздрав, отче преподобне, / духовную благодать открыл еси и свет ей показав, / и человеки просвети, и настави же я на Христоу истину, / Егоже моли от тли и бед избавити / верою поющия присночестную твою память.

Иудеов же онемі* и еллином же связав многоглаголивны языки, / изъясни же благочестия заповеди, / Дух бо, преподобне, в пустынях присно совещающ, изношаше, / Егоже моли от тли и бед избавити / поющия верно присночестную твою память.

Ангелом причастне и мучеником солічне, / иереом же, отче, состольне, / о любовьию чтущих тя Христа убо моли, / заступая нас от скорбей / и умоли от тли и бед избавити ны, / верно поющия присночестную твою память.

Слава, глас 2:

Отвергся міра и сущих в міре, преподобне, / Евангелие взем, евангельски Христу последовал

* онемі — сделал немыми

есї / и, в кѹще живѣй, яко в рай, таїно, / конѣчным жестокожїтием плѣти / човекоубїйцу змїя удавил есї. / Тѣмже на Небесѣх водворяяся, Иоанне блаженне, / испросї нам велию мїлость.

И ныне, Богородичен или Крестобогородичен.

Подобен: Егда от Древа Тя:

Егда нескверная Агница / виде Своего Агнца, / на заклѣние яко Человека волею влекома, / плачущи, глаголаше: / безчадствовати Мя ныне тщїшися, Христѣ, рождшую Тя. / Чтѣ сїе сотворил есї, Избавителю всѣческих? / Обаче воспеваю и славлю / Твою, юже паче ума и слова, крайнюю благодсть, Человеколюбче.

На стихѣвне Октѣиха.

Слава, глас 8:

Монахов множества, / наставника тя почитаем, отче наш Павле, / твоєю бо стезєю войстинну право ходити познахом. / Блажен есї, Христѣ работав, / и вражїю обличил есї силу, / Ангелов собесѣднике, преподобных сопричастнике и праведных, / с нимиже молися Господу / помилѣватися душам нашим.

И ныне, Богородичен или Крестобогородичен.


Подобен: О, преславнаго чудесе!

Чтѣ зримое видѣние, / еже Мойма очїма видится, / о Владыко! / Содержай всю тварь, на Древо воздвїжен быв, / и умираеши, всем Дай жизнь, — / Богородица, плачущися, глаголаше, / егда узрѣ на Крестѣ возносима / Сущаго, из Нея неизрѣченно возсиявшаго / Бога и Человека.

НА ЛИТУРГИИ

Блаженны, Павла от канѣна, песнь 3-я и Иоанна, песнь 6-я. Прокїмен, глас 8: Восхвалятся преподобнии во славе: Стих: Воспойте Господеву песнь нову: Апѣстол к Галатом, зачало 213. Аллилуїя, глас 6: Блажен муж, бойся Господа: Стих: Сильно на землї будет семя его: Евангелїе от Матфея, зачало 43. Причѣстен: В память вечную будет праведник:

Вѣдомо буди, яко по отдѣнии праздника Богоявленїй, зри января 15-го числа в недѣли и во дни святых празднуемых, катавасїю поем: Сущу глубородительную зѣмлю: И до отдѣния праздника Срѣтения Господня.



Преподобный Павел Фивейский родился в Египте, в городе Фиваиде, около 228 года. Родители воспитали его в христианской вере. После их кончины он претерпел много скорби от корыстолюбивого родственника, который, желая присвоить наследственное имущество Павла, вознамерился предать его на мучения при гонителе христиан императоре Декии (249—251). Узнав об этом, Павел покинул отчий дом и удалился в глубь пустыни, где долгие годы подвизался в совершенном одиночестве, пребывая в непрестанной молитве. Питался он плодами финиковой пальмы и хлебом, который ему приносил прилетавший ворон.

Господь открыл местопребывание Своего угодника преподобному Антонию Великому (†356; память 17 января), также подвизавшемуся в Фиваидской пустыне. У преподобного Антония возник помысл, что нет в Фиваидской пустыне другого человека, который больше чем он подвизался бы в трудах и молитвах к Богу. Тогда он услышал глас: «Антоний, есть раб Божий, который совершеннее тебя и прежде тебя поселился здесь в пустыне. Иди в глубину ее и найдешь его».

Господь вразумил святого, открыв ему существование в пустыне еще другого великого подвижника — преподобного Павла Фивейского. Преподобный Антоний немедленно отправился в путь. Совершив трудное путешествие по знойной пустыне, он, при помощи Божией, достиг пещеры, где жил преподобный Павел. Встретившись, оба старца назвали друг друга по имени, облобызались и долго беседовали. Прилетевший ворон принес им обоим хлеб, преломив который, они насытились. Преподобный Павел рассказал о своей жизни в пустыне; он открыл своему собеседнику, что настало время его кончины, и завещал похоронить его.

Преподобный Антоний спешно отправился обратно, взял в своей кельеи мантию для погребения святого Павла и, нисколько не отдохнув, повторил тот же путь. Подходя к пещере святого Павла, он увидел, как святая душа его с сонмом ангелов возносится на Небо.

Преподобный Павел скончался во время коленопреклоненной молитвы с простертыми к небу руками в 341 году, в возрасте 113 лет, проведя в пустыне 91 год в полном уединении.

Два льва, пришедшие из пустыни, вырыли могилу для почившего. Преподобный Антоний обвил его мощи мантией, со слезами простился с ним и совершил погребальный обряд. Львы не отходили от могилы до тех пор, пока преподобный Антоний не повелел им уйти в пустыню.

Одежду святого Павла, изготовленную из пальмовых листьев, преподобный Антоний взял себе и хранил как великую святыню, надевая ее только в праздники Воскресения Христова и Пятидесятницы.

Тело преподобного Павла Фивейского, по воле императора Мануила Комнина (1146—1180), было перенесено в Константинополь и положено в монастыре Перивлепты, во имя Пресвятой Богородицы. В 1240 году святые мощи преподобного Павла были перенесены в Венецию, а затем — в Венгрию, в город Офен. Честная глава святого Павла хранится в Риме. Преподобный Павел, первый отшельник Верхней Фиваиды, считается отцом православного монашества.

Преподобный Иоанн Кушник — сын богатых и знатных родителей, Евтропия и Феодоры, живших в Константинополе в царствование императора Феодосия Младшего (+450). С юных лет в душе Иоанна возгорелась пламенная любовь к Богу. Скромный, кроткий и незлобивый отрок заметно выделялся из среды сверстников, учителя удивлялись его способностям. Он преуспевал не только в мирском, но и в духовном любомудрии. Любимыми его занятиями были чтение священных книг и посещение церковных служб. Однажды святой Иоанн встретился с иноком из Обители Неусыпающих (Малая Азия), который шел в Иерусалим на поклонение святым местам. С замирающим сердцем отрок Иоанн слушал его рассказы об иноческой жизни в обители, где богослужение совершается круглые сутки, и звучит неумолчная хвала Господу. Иоанн умолил инока на обратном пути в обитель зайти за ним. Тем временем он упросил родителей подарить ему Евангелие. По возвращении инока святой Иоанн взял Евангелие и тайно от родителей отплыл в Обитель Неусыпающих.

Игумен обители, святой Маркелл (+485; память 29 декабря), провидя в Иоанне совершенную готовность к иноческой жизни, не подверг его обычновенному искусу и постриг в монашество, несмотря на молодость. В скором времени преподобный Иоанн превзошел многих иноческими подвигами: его непрестанные молитвы, безропотное послушание, строгое воздержание и терпение в трудах удивляли братию.

Спустя шесть лет преподобного Иоанна постигло искушение: мысли о родителях, об их любви и нежности, об их скорби начали неотступно преследовать юного подвижника.

Святой Иоанн открыл игумену свое состояние, просил отпустить его из обители и умолял братию не забывать его в молитвах. Он надеялся, что с Божьей помощью и их молитвами он и родителей увидит, и искушение победит. Игумен дал ему свое благословение.


С горькими слезами и горячей молитвой ушел святой Иоанн из обители. По дороге он обменялся одеждою с одним нищим и, одетый в его рубище, пришел в Константинополь. Затрепетало его сердце, когда он увидел родительский дом. Но любовь к Богу пересилила: святой решил не открывать своего имени родным. Он упросил управителя отцовского дома разрешения лежать у ворот и питаться милостыней. Однажды мать святого Иоанна, увидя оборванного нищего, приказала слугам убрать его с дороги. Отец же, увидев Иоанна и не узнав в убогом нищем своего сына, приказал ежедневно кормить его со своего стола, говоря жене: «Кто знает, быть может и наш возлюбленный сын находится в таком же положении...» Святому Иоанну удалось упросить того же самого управителя сделать ему в углу двора шалаш (кущу), где он мог бы не раздражать своим видом владелицу дома.

В такой куще (отсюда его наименование Кушник) святой Иоанн прожил три года, терпя голод, холод и зной. Спустя три года, в сонном видении, он удостоился видеть Христа, предрекшего ему кончину через три дня. Тогда святой Иоанн пожелал открыться родителям. Он показал им Евангелие, полученное в детстве, и открыл свою тайну. Горе и радость соединились — радость родителей, обретших потерянного сына, и горе в преддверии его кончины.

Умирая (в возрасте не более 25 лет), святой Иоанн завещал похоронить его в нищенском рубище и погresti на месте его палатки (кущи).

Когда мать попыталась облечь почившего в дорогие одежды, она внезапно занемогла и исцелилась тотчас после того, как исполнила волю покойного. Вскоре на месте погребения была воздвигнута церковь и здание для приюта нищих и бездомных.

В XII веке честная глава преподобного Иоанна Кушника была перенесена крестоносцами в г. Безансон (Франция), святые мощи его находятся в Риме.



Преподобнаго Варлаама Керетскаго

Тропáрь, глас 1:

Божественною свѣше просветѣвся благодатию, преподобне, / мир оставил еси, / житѣйскую печаль и всяк мятѣж мѣра сегó / любвѣ ради Христовы со дерзновѣнием отвѣргл еси, / евангельски Христу последовал еси, / и, Того ярѣм взем, во всем воли Его повинулся еси, / и весь разум и сердце к Нему неуклонно возложил еси, / Христа ради тело свое изнуряя постом и бдением, в молитвах своих не усыпая, / Бога милостива творя и Пречистую Богородицу Молѣбницу предлагая, / и сегó ради от Бога восприѣм власть и силу на сопротивнаго врага, / не убоясь воздушныя и морскія тяготы и студени, ниже уклонися, / и морскою пучиною в мале ладнице по водам шествие творя, / против зельнаго обуревания плаваше, / промыслѣнием Божественнаго разума направляем, / и около Святаго Носа непроходимый путь морской / от ядовитаго червья / благопроходен человеком без вреда сотворил еси молитвами своими, / и многим терпѣнием во временней жизни подвиг совершил еси, / и, равноангельное житиѣ пожив, / темже и по преставлении источаеши чудес благодать / иже верою приходящим к тебе, Варлааме, преблаженне отче наш, / вопиѣм ти: моли Христа Бога, / да спасет души наша.

Конда́к, глас 2:

Все умное свое желаніе к Богу вперив, / и Тому невозвратно от души последовал еси, / и житѣйския молвы отринув, / в молитвах, и слезах, и злостраданиях плоть свою изнуряя, / добре подвижався противу невидимаго врага кознем, / и, победив я, веселяся, прешел еси к Небесным чертогом, / и ныне со Ангелы Святей Троице предстоя, / отнюду же и Всевидящее око, твоя труды видев, / даром чудес по преставлении обогатило тя есть, / иже тебе с верою почитающим / исцелѣние подаваеши невидимо / и молишися непрестанно, сохра-

ня́я отéчество своé и лю́ди / от враг ви́димых и неви́димых ненавётны, / да вси тебе́ вопиём: / преподо́бне о́тче наш Варлаа́ме, / моли́ непреста́нно о́ всех нас.

Моли́тва

О преподо́бне о́тче наш Варлаа́ме, я́ко имéяй дерзнове́ние ко Творцу́, Изба́вителю́ всех, И́же в Тро́ице Святе́й покланя́емому́ и́стинному́ Христу́, Бо́гу на́шему, помяни́ нас в моли́твах сво́их и всех нас моле́ния, Бо́гу возсыла́емая, приими́ и принеси́ я́ ходата́йственне. Мо́лим тя́, изба́ви нас от всяких напа́стей, и на мо́ри от зéльнаго обу́рева́ния, и от пото́пления морска́го невре́димы сохрани́, и от всех ви́димых и неви́димых враг ненавётны соблюди́, я́ко да тво́ими моли́твами, свя́те, согреше́ний на́ших оставле́ние полу́чим и ве́чных благ сподо́бимся благода́тию и человеколю́бием Го́спода на́шего Иису́са Христа́, Ему́же сла́ва со Отце́м и Святы́м Ду́хом ны́не, и прísно, и во ве́ки веко́в. Ами́нь.

Преподобный Варлаам Керетский подвизался в XVI веке близ Белого моря в Керетской волости, Архангельской губернии. Вначале он был священником Кольского острога. Впоследствии принял иночество и поселился в пустыне близ Керети, где и был погребен после своей кончины, при церкви во имя святого Георгия. В

1664 году были записаны его посмертные явления и чудеса. На побережье Белого моря почитается покровителем от «водного потопления». Основная память преподобного совершается 6 ноября, вероятно, по его тезоименитству с преподобным Варлаамом Хутынским (†1192). В этот же день помещены о нем подробные сведения.

